

四庫全書考證

一七



The page is framed by a decorative border. At the top, a black silhouette of a horse is shown running to the left, positioned above stylized, swirling white clouds. The rest of the border is composed of a repeating pattern of these swirling, cloud-like motifs.

四庫全書考證

(七十)

王太岳等纂輯

四庫全書考證卷四十一

史部

通典

東漢會要



# 通典

## 卷一 食貨一

上地家七人注。止以七人六人五人爲率者。有夫有婦然後爲家。刊本止訛正。據別本改。乃經上地而井牧其田野。注。九夫爲牧。二牧當一井。刊本二訛而。據別本改。

司徒石苞奏州郡農桑未有殿最之制。宜會掾屬令史有所巡幸。案巡幸晉志作循行。孝文太和元年詔曰。今東作旣興。人須肄業。刊本肄訛肆。今改。

寡婦守志者。雖免課。亦授婦田。刊本授訛受。據別本改。

諸宰人之官。各隨匠給公田。案匠一本作廡。

## 卷二 食貨二

京城四面諸坊之外。二十里內爲公田。刊本坊訛方。據隋志改。

內職事官一品以下。逮於羽林虎賁。訛本內訛戶。據隋志改。虎沿唐諱作武。今改。後同。八品以下至庶人六十人。刊本下訛上。據隋志改。

亦旣無田。即便逃走。刊本便訛使。據別本改。

隋文帝令自諸王以下。皆給永業田。多者至百頃。少者三十頃。案三十頃。隋志四十頃。

京官又給職分田。一品者給田五頃。案別本五頃下有每品以五十畝爲差八字。

黃小中、丁男子及老男、篤疾、廢疾、寡婦、妾、當戶者，各給永業田二十畝。案男子一本作男女。

史起爲令，民僕歌之曰：終古曷鹵兮，生稻梁。注：謂鹹鹵之地。刊本脫鹵字。據別本增。

杜元凱上疏曰：今者水災東南特劇，非但五穀不收，居積並損。案積，晉志作業。又旣以水爲田，當恃魚菜。

螺螄案田。晉志作困。

遵縣領應佃二千六百口，可謂至少，而猶患地狹不足肆力。此皆水之爲害也。刊本猶訛無。又都督度。

支方復執異，非所見之難，直以不同害理也。刊本脫同字，並據晉志改增。又長史二千石躬先勸戒。

案晉志戒作功。

後魏刁雍上表曰：臣請於河西高渠之北，平地鑿渠。刊本脫地字。又卽循高渠而北。刊本循訛修，並據。

魏志增改。

卷二 食貨三

序以明教庠，則行禮而視化焉。刊本明訛名。據別本改。

人各有桑土之懷，下役之慮，斯誠并兼之所執，而非通理之篤論也。刊本誠訛成。據晉書改。

樂毅宦燕，見褒良史。案宦，晉書作官。

屬役無漏，流亡不歸。漏，據南齊書作滿。

卷四 食貨四

元鳳四年出口賦注。民年七歲至十四。出口賦錢。人二十三。二十錢以食天子。其三錢者。武帝加口錢以補車騎馬。刊本三俱訛。二據漢書注改。

卷五 食貨五

第九品及舉輦跡禽前驅。刊本脫及字。據隋書食貨志增。

殿中虎賁持錐斧。刊本錐誤雄。據隋志改。

租米五石。案隋志。此下有祿米二石四字。又丁女並半之。案隋志。此下有男女年十六以上至六十爲

丁十二字。

大縣六班。小縣兩轉。方至一班。品第旣殊。不可妄載。刊本上縣訛郡。妄訛委。據隋書食貨志改。多者及下戶。刊本複衍戶字。據隋書食貨志刪。

豐年則全賦。中年半之。下年一之。案隋志一作三。

卷六 食貨六

天寶元年赦文。其侍丁孝者。假免差科。刊本孝訛老。據新舊唐書改。

西平郡貢牴犀角十隻。刊本犀誤解。據唐書改。

隴西郡貢秦芫。刊本芫訛膠。據別本改。

永陽郡。今滁州。刊本滁訛浙。據唐書改。

吳郡。貢魚子五升。刊本魚訛春。據唐書改。

會稽郡。貢交梭綾十疋。刊本梭訛機。又脫綾字。據唐書改增。

新定郡。貢文綾二十疋。刊本文綾訛交櫻。據唐書改。

桂陽郡。今郴州。刊本彬訛柳。據唐書改。

潯陽郡。刊本潯訛臬。據唐書改。

洪源郡。貢蜀椒一石。今黎州。刊本黎訛當。案唐書洪源郡作黎州。江源郡作當州。黎州洪源郡則貢升麻

椒麝。江源郡則以地產當歸。地名當州。今據改。

江油郡。刊本江油二字互倒。據唐書改。

歸誠郡。刊本誠訛城。據唐書改。

卷七 食貨七

漢桓帝永壽三年。戶千六十七萬七千。案六十册府元龜作六百。

唐高宗永徽元年。高履行奏。隋大業中。戶八百九十萬。今戶三百八十萬。案册府元龜九十作七十。八十

萬作八十五萬。

裴冕等二十九人。並攝御史。分往天下。注。韋洽。刊本洽訛治。據唐書改。

融又上言天下所檢責客戶案此奏一作裴耀卿。

卷八 食貨八

太公九府圜法注。圜謂均而通也。刊本均訛內。據唐書注改。人有若干百千之數矣。刊本于訛千。千訛十。據管子改。

周郭其下令不可磨取銖焉。案下漢書作質。致富之道。寶假於錢。刊本富訛之。據別本改。

卷九 食貨九

宋文帝元嘉七年立錢署法。刊本署訛置。據宋紀及册府元龜改。

刑雖重禁。姦弊方密。案宋書作刑禁雖重。姦遂方密。

大唐武德四年鑄開通元寶錢。刊本通元二字互倒。據册府元龜改。

卷十 食貨十

賈誼上疏曰。輸將繇使。其遠者不出五百里。刊本出訛在。據册府元龜改。

若以門兵造船。便爲闕彼防禦。刊本禦訛城。據魏書改。

令州郡綱典各受租調於所在。然後付之十車之中。刊本中訛牛。據魏書改。若船數有缺。且賃假充事。刊本數訛所。據魏書改。

裴耀卿奏曰。臣請於河口置一倉。納江南租米。案南冊府元龜作東。

管子曰。禹筮之商日二百萬。十日二千萬。一月六千萬。萬乘之國正九百萬也。刊本脫國字。據管子增。

卷十一 食貨十一

漢孝武天漢三年。初榷酒酤。注。如道路設木爲榷者。刊本脫設字。據別本增。

自東晉至陳。淮水北有大市百餘。小市十餘。刊本百訛自。據冊府元龜改。

司馬遷曰。夫山西饒材。刊本材訛林。據史記改。

二千一百萬之家。卽二十萬。而更絲租賦出其中。案史記二千下有戶字。

牛千足。羊彘千雙。刊本雙訛隻。據史記及漢書改。

關中富商大賈。大抵盡出諸田。刊本富訛宿。據史記及漢書改。

盡推理去就。與時俯仰。案推理。史記及各本皆作椎埋。

田農拙業也。而秦陽以蓋一州。刊本農訛畝。據史記改。

掘塚姦事也。而曲叔以起。刊本曲訛田。據史記改。

莽乃下詔曰。夫周禮有賒貸。傳記各有幹焉。刊本賒訛餘。焉訛馬。據周禮及漢書改。

五穀布帛絲綿之物。周於人用。刊本之訛衣。據漢書改。

洛陽薛子仲。張長叔。刊本叔訛督。據漢書改。

布帛爲租。則吏多姦盜。刊本吏多訛利吏。據後漢書改。

卷十二食貨十二

管子曰。智有十倍人之功。愚有不廢本之事。注。廢猶償也。刊本償訛賞。據管子注改。

桓公問於管子曰。吾欲守國財而無稅於天下。刊本脫財字。據管子增。

昔武王有巨橋之粟。貴糴之數。刊本糴訛糶。據管子改。

桓公曰。齊西水潦。人饑。齊東豐庸而糶賤。刊本糶訛糶。據管子改。

北郊有堀闕得龜者。此檢數百里之地也。注。以此龜爲用者。其數可比百里之地。刊本此訛比。可訛百。據

管子注改。

請以珣爲質。以假子之邑粟。刊本質訛質。據管子改。

使其墻三重。而門九襲。注。先託築城。刊本託訛記。衍其字。據管子注改。

魯梁之民俗爲緜。注。緜。徒奚反。刊本徒訛陵。據管子注改。

故見子之形而不見奪之理。故民愛可洽于上也。刊本愛訛憂。據管子改。

王霸之君去其所以強求。刊本王訛五。據管子改。

穀石二十錢。則大男有八十之籍。刊本脫錢字。據管子增。

是人君作發號令收穡而戶籍也。刊本穡訛種。據管子改。注並改。

市絲綿綾絹布米大麥江州五百萬。刊本綾訛紋。據册府元龜改。

卷十三 選舉一

待詔。或郡國貢選。公車徵起。悉在焉。刊本選訛送。據漢書改。

光祿勳復於三署中銓第郎吏。刊本銓訛詮。據漢書改。

其令州縣察吏人有茂材異等。案縣漢書作郡。

令二千石謹察可者當與計偕。刊本令訛者。據册府元龜改。

後漢光武十二年詔三公舉茂材各一人。廉吏各二人。刊本二人訛一人。據後漢書百官志改。

卷十四 選舉二

中正輩擬比。隨次率而用之。刊本正下衍所字。據魏志刪。

周朗上疏曰。男子十三至十七皆令學經。十七至二十皆令習武。案下十七。宋書作十八。

每在三年之內各舉一人。案三北齊書作二。

後周宣帝大成元年詔。州郡舉經明行脩者。上州上郡歲一人。案册府元龜作上州上郡歲三人。下州下

郡歲一人。與此異。

卷十五 選舉三

李元瓘上言。生徒教業。必事資經遠。則斯道不墜。刊本徒訛人。據册府元龜改。

每經帖十。取通六以上。免試經策十條。刊本脫通字。據册府元龜增。以所習經掩其兩端。中間惟開一行。刊本惟開二字互倒。據册府元龜改。

試說文字。林凡十帖。口試無常限。案册府元龜無口字。

自武德以來。明經惟有丙丁第。進士惟乙科而已。刊本脫丙字。據册府元龜增。置十銓試人注。魏明帝嘗卒至尙書省。陳矯跪問曰。陛下欲何之。刊本跪訛詭。據唐書改。

### 卷十七 選舉五

唐劉祥道奏。稽古之業。雖則難成。斗筭之材。傷於易進。刊本則訛信。據唐書改。

其行署等私犯下第。公坐下下。雖經赦降。情狀可責者。亦量配三司。案唐書作其行署私犯公坐。情狀可責者。雖經赦降。亦量配三司。與此異。

乾封八年。上列侍臣。責以不進賢良。案別本八作二。

張九齡上書。其餘縣令以下。固不可勝言。刊本脫可字。據監本改。天下雖廣。朝廷雖衆。士之明賢。誠可知也。刊本明訛名。據監本改。彼身言及書。豈可同爲銓序哉。刊本彼訛比。據監本改。

### 卷十八 選舉六

評曰。昔者唐虞。皆訪於衆。刊本者訛有。據監本改。

卷十九職官一

棄作后稷。刊本脫作字。據漢書增。

五監注。少府將作。國子軍器都水。刊本子訛予。今改。

官數。唐六十員。一本下有虞十六員四字。

卷二十職官二

三老五更。昔三代所增也。案昔監本作者。

漢制三公不與盜賊。若領兵入見。皆交戟。義頸而前。注。魏武破張繡。入覲天子。亦行此制。汗流浹背。刊本

浹訛洽。據別本改。

晉初置三上公。注。惠帝天安元年。以齊王冏爲太師。刊本天訛大。據晉書改。

卷二十一職官三

北齊乾明中。置丞相。清河中。分爲左右。刊本複衍中字。據監本刪。

散騎常侍。後魏北齊位在中書之右。其資叙爲第三清。注。明堯曰。臣本官常侍。是第三清。今授武勇。其號

至濁。刊本勇訛通。據監本改。

大唐武德初。爲內史令。注。常有勅。而中書門下。不時宣行。高祖責其遲晚。刊本晚訛由。據監本改。

中書侍郎。晉置四員。及江左初。又改爲通事郎。刊本又訛右。據監本改。

卷二十二 職官四

都堂居中左右分司。注。舊尚書令有大廳。當省之中。今謂之都堂。刊本今訛令。今改。  
尚書左丞兼糾彈之事。注。崔洪曰。我舉郗丞而還。奏我此挽弓自射之謂也。刊本謂也。訛所謂。據別本改。  
元嘉以後有二十曹郎。注。元嘉十八年增刪。定曹郎。卽魏世之定科郎也。訛本複衍郎字。據監本刪。

卷二十三 職官五

魏改選部爲吏部。晉與魏同。注。江霽爲選官。霽音彬。刊本彬訛林。據韻會改。

大唐龍朔二年。改吏部尚書爲司列太常伯。案二。唐書作元。

考功郎中一人。注。宋元嘉三十年。又置功論郎。刊本脫上字。功訛公。據宋書百官志增改。

郎中一人。注。武德初。改爲禮部郎中。刊本德訛帝。據監本改。

屯田郎中一人。注。柳彧爲屯田侍郎。刊本柳彧訛補。或。又時制三品以上。門皆列戟。刊本制訛以。又

類聞而歎服。刊本歎訛戰。並據隋書改。

卷二十四 職官六

後漢以來。謂之御史臺。注。蔡邕以侍御史轉侍書御史。刊本侍訛持。據後漢書改。

北齊瑯琊王爲御史中丞。注。高道穆爲御史中丞。壽陽公主行犯清路。以赤棒呵之。刊本以上衍執字。棒

下衍卒字。據監本刪。

後周有司憲中大夫二人注。上嘗謂崔隱甫曰。卿爲大夫。深副朕意。刊本意訛委。據監本改。

內供奉二員注。庶僕臺例占闕者得職田。刊本得訛傳。據監本改。

監察御史。初秦以御史監理諸郡。謂之監察御史。漢初罷其名。刊本脫下御字初字。據監本增。

裏行五員并監諸軍出使等注。此來御史監軍。乃有控制軍中大小之事。非所以委專征也。刊本征訛往。據監本改。

卷二十七職官九

寺人注。掌王之內人及女宮。刊本宮訛官。據周禮改。

內常侍注。寶應元年。勅諸道州所承上命。不得輒便。信使宣勅。卽遵行。刊本輒訛懸。據監本改。

後漢大長秋屬官有中宮謁者三人。刊本三訛二。據漢書百官志改。

凡中書謁者。尙書令。僕射。中常侍。刊本射訛侍。據後漢書改。

丞漢有六人注。其後損益。刊本後訛有。據監本改。

置五經百名。刊本名訛石。據監本改。

書學博士注。鳳閣侍郎王方慶曰。臣七代祖僧綽。刊本僧訛曾。今改。

卷二十八職官十

魏獻子衛文子並居將軍之號。注。文子爲衛之將軍。名彌牟。刊本彌訛稱。據禮記改。

卷二十九職官十一

魏以司馬景王爲大將軍。置掾十人。別無屬官。刊本別訛則。據監本改。  
征東將軍。注以張遼爲之。刊本脫之字。據別本增。

卷三十職官十二

咸亨元年。贊善大夫。別自爲官。皆掌侍從。翊贊。刊本贊訛養。據監本改。

卷三十一職官十三

十九關內侯。注如淳曰。列侯出關就國也。刊本也訛侯。據監本改。

卷三十三職官十五

天寶元年。改州爲郡。注義寧二年。罷竹使符。頒銀兔符。刊本免訛菟。據監本改。

卷三十四職官十六

通議郎。注散官直。刊本直訛置。據監本改。

將仕郎。注許練。通時務者。始得參選。刊本練訛棟。今改。

卷三十六職官十八

五命賜則。注五命賜之。以方百里。二百里之地也。刊本脫地字。據監本增。

第七品。太中。中散。諫議。三大夫。刊本太中訛太史。今改。